

## ZAPISNIK

Predsjednica Skupštine Udruženja „ORIGINAL“ za ostvarivanje i zaštitu reproduksijskih prava, Lejla Alić sazvala je drugu redovnu sjednicu Skupštine za 2018.godinu na dan 12.12.2018.godine u Sarajevu, s početkom u 11:30 sati.

Skupština je održana u Sali Hercegovina u Hotelu Holiday, Zmaja od Bosne 4, Sarajevo.

Predsjednica konstatuje da ima kvorum (28 prisutnih članova) te da se sjednica Skupštine može održati. Predsjednica izvještava da je pristiglo i 5 (pet) glasačkih listova u odsustvu, koji će se pribrojiti glasovima po pojedinim tačkama Dnevnog reda. Glasove su dostavili redovni članovi sa pravom glasa: Hrvatski leksikografski institut BiH, Pavlović Ranko, Imprimatur d.o.o, Agarthi Comics, Udruženje izdavača Republike Srpske.

Za zapisničara je imenovana Lejla Gačanica, direktorica Stručne službe Udruženja.

Predsjednica Skupštine poziva Predsjednik Udruženja Goran Simića da se obrati. Predsjednik Udruženja pozdravlja prisutne prisutne i zahvaljuje se na dolasku. Ističe važnost kreativnog rada književnika i važnost postojanja aktivnih izdavača. Smatra da je raznolikost članstva Originala pokazatelj koliko kreativnog rada u BiH ima i da mu je neophodna podrška, što Original i radi kroz kolektivno ostvarivanje prava. Ističe da na kraju prve kalendarske godine u kojoj Original djeluje kao kolektivna organizacija, možemo uraditi presjek onoga što je urađeno i konstatovati da su napravljeni ozbiljni koraci koji zapravo trebaju omogućiti uspješan rad u nadolazećim godinama.

Predsjednica Skupštine se zahvaljuje i otvara prvu tačku Dnevnog reda.

**Ad 1.** Skupština je jednoglasno usvojila sljedeći Dnevni red:

1. Usvajanje dnevnog reda
2. Izvještaj o radu Udruženja Original
3. Odluka o usvajanju Finansijskog plana za 2019.godinu
4. Odluka o usvajanju Pravilnika o raspodjeli
5. Odluka o usvajanju Pravilnika o radu zaposlenika Udruženja Original
6. Odluka o usvajanju Pravilnika o plaćama i dodacima na plaću zaposlenika Udruženja Original
7. Ostala pitanja.

**Ad.2 Izvještaj o radu Udruženja Original u 11 mjeseci 2018.godine** su podnijeli Predsjednik Upravnog odbora Damir Uzunović, Predsjednik Nadzornog odbora Ivica Rorić i Direktorica Stručne službe Lejla Gačanica. Predstavljene su aktivnosti koje je Udruženje imalo ovom periodu: Izvještaj o radu Upravnog odbora, Izvještaj o radu Nadzornog odbora, izvještaj o broju članova, izvještaj o radu privremenih tijela Udruženja, aktivnosti Stručne službe na zaključenju ugovora sa korisnicima i naplata naknada, izvještaj o provedbi Finansijskog plana za 2018.godinu (zaključno sa novembrom 2018.godine), pokretanje postupaka za zaštitu prava (parnični postupci i inspekcijski nadzori), Saradnja sa Međunarodnom federacijom organizacija za reproduksijska prava (IFRRO) te zaključenje bilateralnih ugovora o zastupanju.

**Ad.3. Odluka o usvajanju Finansijskog plana za 2019.godinu.** Predsjednica Skupštine podsjeća da je Udruženje Original obavezno usvojiti finansijski plan za narednu godinu, radi čega je prijedlog plana urađen na osnovu analize stanja iz 2018.godine. Konstatuje da je svim članovima uredno dostavljen Finansijski plan za 2019.godinu uz Poziv za Skupštinu. Poziva predsjednika UO Damira Uzunovića da predstavi prijedlog.

Predsjednik Upravnog odbora, Damir Uzunović, predstavlja Finansijski plan za 2019.godinu ističući da je sačinjen na bazi ostvarenih prihoda i troškova u prvih jedanaest mjeseci u 2018. godini, kao i na osnovu plana aktivnosti Udruženja za 2018. i 2019. godinu.

S obzirom da je u 2018. godini iznos prikupljenih prihoda značajno niži od planiranog, raspodjela autorskih naknada koje se odnose na 2018. godinu (ukoliko budu naplaćene u 2019. godini) će biti pripojena masi za raspodjelu planiranoj u 2020. godini.

S obzirom da su prilivi sredstava u 2018. godini bili suviše niski za vraćanje pozajmljenih sredstava, osnivači su saglasni da se rok za vraćanje pozajmljenih sredstava prolongira za kraj 2020. godine. Ukoliko prilivi stvore višak tako da ne ugroze poslovanje Udruženja i planirane isplate nosiocima prava, biće usmjereni na vraćanje pozajmica i prije prolongiranog roka.

Predsjednica Skupštine poziva članove da daju komentare ili dodatne prijedloge o prijedlozima Finansijskog plana za 2019.godinu. Prijedloga i komentara nije bilo, te poziva na glasanje.

*Skupština je jednoglasno (prisutni i glasovi u odsustvu) usvojila Prijedlog korekcija Finansijskog plana za 2018.godinu.*

**Ad.4. Odluka o usvajanju Pravilnika o raspodjeli** je četvrta tačka dnevnog reda. Predsjednica Skupštine daje uvod o nastanku nacrtu Pravilnika o raspodjeli - Nacrt Prijedloga pravilnika o raspodjeli je sačinila Komisija za izradu Nacrta Pravilnik o raspodjeli u sastavu Boro Kontić, Nedeljko Zelenović, Naida Vidović, Damir Uzunović, Milan Cvijetinović i Ivica Vanja Rorić. Upravni odbor je pregledao Pravilnik o raspodjeli te zajedno sa Komisijom usvojio konačni prijedlog Pravilnika. Ovaj prijedlog je uredno dostavljen svim članovima uz Poziv za skupštinu.

Predsjednica se zahvaljuje članovima Komisije na volonterskom i odgovornom radu na prijedlogu Pravilnika o raspodjeli. Poziva predstavnika Komisije da kaže nekoliko informacija o prijedlogu Pravilnika.

Ivica Vanja Rorić ispred Komisije izvještava da je Komisija imala 3 sastanka i velik broj konsultacija putem maila. Odluke su donošene većinom glasova članova, i u najvećem broju su bile jednoglasne. U izradi se vodilo računa o zakonom propisanim kriterijumima te principima ravnopravnosti, jednake zastupljenosti i interesima svih nosilaca prava.

Predsjednica se zahvaljuje se Ivici, te poziva na komentare, prijedloge.

Damir Uzunović se javlja za riječ. Navodi da je uočio da se u finalnom tekstu nacrtu Pravilnika o raspodjeli nije našlo precizno uređenje tiraža u kategoriji raspodjele za izdavače. Predlaže da se u članu 22.st.4 Pravilnika doda na kraju rečenice „i tiraža“.

Predsjednica Skupštine poziva da se glasa o ovom prijedlogu: član 22.st.4 se mijenja i glasi: „Raspodjela se vrši prema broju izdanih djela i tiraža“. Skupština jednoglasno prihvata izmjenu člana 22. Pravilnika o raspodjeli.

Predsjednica Skupštine poziva članove da daju komentare ili dodatne prijedloge o prijedlogu Pravilnika o raspodjeli. U kratkim komentarima na Pravilnik, članovi su istakli zadovoljstvo Prijedlogom Pravilnika.

*Skupština je jednoglasno (prisutni i glasovi u odsustvu) usvojila Pravilnik o raspodjeli.*

**Ad.5. Odluka o usvajanju Pravilnika o radu zaposlenika Udruženja Original** predstavlja obavezu za Udruženje, te Predsjednica Skupštine predstavlja ovu tačku. Konstatuje da je svim članovima uredno dostavljen prijedlog ovog Pravilnika. U skladu sa zakonima BiH, Udruženje treba imati Pravilnik o radu zaposlenika, a u nadležnosti je skupštine da isti usvoji. Kako se na udruženja i za zaposlenike udruženja registrovanih na nivou BiH primjenjuju odredbe Zakona o radu u institucijama Bosne i Hercegovine, predloženi Pravilnik o radu je usaglašen sa navedenim zakonom i zakonima kojima se uređuje rad kolektivnih organizacija u BiH.

Poziva članove da daju komentare ili dodatne prijedloge. Prijedloga i komentara nije bilo.

*Skupština je jednoglasno (prisutni i glasovi u odsustvu) usvojila Pravilnik o radu zaposlenika Udruženja Original.*

**Ad.6. Odluka o usvajanju Pravilnika o plaćama i dodacima na plaću zaposlenika Udruženja Original.** Predsjednica Skupštine konstatuje da je svim članovima uredno dostavljen prijedlog ovog Pravilnika. Jednako kao i Pravilnik o radu, Pravilnika o plaćama i dodacima na plaću zaposlenika Udruženja Original je obavezno usvojiti. Kao i za Pravilnik o radu, prijedlog ovog Pravilnika je usaglašen sa odredbama Zakona o radu u institucijama Bosne i Hercegovine.

Predsjednica Skupštine poziva članove da daju komentare ili dodatne prijedloge. Prijedloga i komentara nije bilo.

*Skupština je jednoglasno (prisutni i glasovi u odsustvu) usvojila Pravilnik o plaćama i dodacima na plaću zaposlenika Udruženja Original.*

**Ad.7. Ostala pitanja,** Predsjednica Skupštine poziva prisutne da delegiraju druga pitanja ili prijedloge.

Za riječ se javio redovni član Alija Balta i iskazao zadovoljstvo načinom rada i komunikacije Udruženja Original te pozvao da i u budućnosti komunikacija bude na istom nivou.

Nakon što su se iscrpile sve tačke Dnevnog reda, Predsjednica Skupštine zaključuje sjednicu.

Sjednica Skupštine Udruženja Original je završena u 12:30h.

**Zapisničarka**



Lejla Gačanica

**Ovjerivači zapisnika**



Lejla Alić, predsjednica Skupštine Udruženja



Goran Simić, predsjednik Udruženja

**Sarajevo, 12.12.2018.**

**Broj: RS/02/18**